



## **Codex diplomaticus Brandenburgensis**

Sammlung der Urkunden, Chroniken und sonstigen Quellenschriften für  
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche  
Haus-Angelegenheiten

**Riedel, Adolph Friedrich**

**Berlin, 1860**

188. Die Herzöge von Mecklenburg, Albrecht und Magnus, versprechen  
ihren Städten die mit Brandenburg und Pommern geschlossene Einigung  
über die Sicherheit der Straßen zu halten, am 29. Juli 1479.

---

---

**Nutzungsbedingungen**

[urn:nbn:de:hbz:466:1-55801](https://nbn-resolving.org/urn:nbn:de:hbz:466:1-55801)

halten, vnd befelhen vns hiemit feiner koniglichen wirde, der vns zu gebieten hab, In aller gebür.

*Nach dem Originale des Königl. Hausarchives.*

187. Quittung des Herzogs Buggeslaf und seiner Gemahlin Margaretha über 4000 Rh. Gulden Ehegeld, vom 18. Februar 1479.

Wy Buggeffleff, van gots gnaden to Stettin, Pomern, Cassuben vnd der Wende hertog vnd furste to Rugen, vnd wy Margareta, der suluen gnaden Geboren marggraun to Brandenburg, to Stettin, Pomern etc. hertogyn vnde furstyn to Rugen, Bokennen vnde dhon kunth eyn ydermanne, de dessen vnfen bryff sehen effte horen lesen, dat wy hebben entfangen vyer dusent rinsche gulden van dem Irluchten hochgeborenen fursten vnde heren, heren Albrecht, des hylgen romischen rykes ertzkamer, marggrauen to Brandenburgk, kurfurste etc. vnd Burggrauē to Nurenberch, de syne leue vns schuldig vnd plichtig was, van vnfes eegeldes vnde medegyffts wegen, dar wy mit vnfen eruen den benomeden hochgeborenen fursten syne eruen nicht willen vmbe manen to neynen tyden vnd laten syne leue dar also quidt, ledich vnde los In Crafft vnde macht desses vnfes bryues, de gegeuen vnde geschreuen is to ffrangkford, am donredage nach salentini, Nach cristi vnfers hern gebordt dusent vyerhundert vnd darna Im negen vnde Souentegisten Jaren. To vrkunde hebben wy Bugeszleff vnde Margareta, hertog vnde hertogynne vorbenometh, vnse Ingefegell laten drucken nedden an dissen bryff.

*Nach dem Originale des Königl. Geh. Staatsarchives.*

188. Die Herzöge von Mecklenburg, Albrecht und Magnus, versprechen ihren Städten die mit Brandenburg und Pommern geschlossene Einigung über die Sicherheit der Straßen zu halten, am 29. Juli 1479.

Wy Albrecht vnd Magnusz, von Gades Gnaden Hertogen to Mecklenborgh, Fürsten to Wenden, Greuen tho Swerin, tho Rostock vnd Stargard der Lande herren, Bekennen vnd betügen apenbar vohr vnz, vnfen Broder, Hertogen Baltzar, vnse Eruen vnd nakamen, In Kraft desses vnfes apennen breues, So als

wy denne nha Rade vnd fulbord vnser leuen getreuen Redere, Mannen, Steden vnd vndertanen samptlicken mit den Hochgebornen fürsten vnd Herren, Herrn Albrechte, defz hilligen Römischen Rikes Ertzkammerern vnd Churfürsten, Herrn Johanfen, Herrn Frederick vnd Herrn Sigemund, sine Sons, Marggrauen tho Brandenburg, tho Stettin, Pomern, der Cafzuben, wende etc. Hertogen, Burggrauen tho Nürnbergh vnd fürsten tho Rügen, vnd mit vnfen Oheme vnd Swager, Herrn Buggeslau, tho Stettin, Pomern, Caffuben vnd der Wenden Hertogen, fürsten tho Rügen vnd Greuen tho Gufzkouw, Gade almechtighe vnfen Herrn tho loue vnd ehren, vnfen landen, herfchoppen vnd luden, Deme gemenen besten vnd varenden Kopman to nuthe, Profyte vnd framen, der gemeinen ftrate, de vthi der marck vnd durch der obgenanten fürsten vnd vnser Seligen vorfaren vnd voroldern herfchoppen vnd landen vn nha vorloped tyde, durch fchickinge defz Almechtigen gadelz ahn vnz gekamen, plecht thogande vnd doch durch menichfaldige Plickerye, Roverye vnd thogrepe, willende dagelikes darup beschen, sint vorwüftet vnd dahlgelegt was, finens geworden, vnz derwegen verbunden vnd de wedder to fryende vnd beschermende andechtlichen hebben angenhamen, nha Inholde etlike fchriffte vnd breffe durch vnz ahn beyden fyden darup vorfegelt. Vnd als denne de Erfamen vnfe leuen getruwen Borgemeiftern vnd Rathmanne vnser Stede Rostock, Wismar, Swerin, Greuemöle, Ribbenitze, Gnoyen, Parchim, Güftrov, Malchin, Brandenburg, Fredelande, Warne vnd Röbbell vor so dane vorberürte Strate yn vnfen Herfchoppen vnd landen durch vns, vnfe Eruen vnd nakamen tho fryende vnd beschermende, An genanten vnfen Oheme, Marggreuen tho Brandenburg, vnd vnsem Oheme vnd Swager, Herrn Buggeslaue, Hertogen tho Stettin etc. vrogenant, Vohr vnz, vnsem leuen Broder Hertogen Baltasar, vnfe Eruen vnd nakamen gerecht vndt gelauet hebben, Defz willen vnd scholen wy Albrecht vnd Magnufz, Hertogen tho Mekelenborch, vrogenant, samptliken mit deme gemelten vnfen Broder Hertogen Baltzer den genanten vnfen leuen getruwen Borgermeiftern vnd Rathmannen vnser Stede, vorgeschreuen, vnd allen ehren nakahmen sodanes gelofftes ein fulkamen Seker wehr wesen, So dat se edder ehre nakamen vnd derwegen durch nemande in Jennigen thokamenden tyden scholen werden beschuldiget edder vordegedinget. Wehret yo denne, dat Gott Almechtich vorbede, de gnanen Borgermeistere vnd Radmanne vnser vorgeschreuen Stede edder ehr nakamen samptlicken edder befundern yenigen schaden, mangelhe offte anfall so danes geloffes haluen Kregen offte nehmen; So louen wy vrogenante fürsten samptliken vnd befundern, en defz gantz vnd allwoll thobenemende, wedder tho leggende vnd se schadloz daranne tho holdende, funder alle eren schaden, Infage edder wedderede. Alle desse vorgeschreuen Puncte, stücke vnd artikele vnde eyn Ifzlick by sick reden vnd lauen wy Albrecht vnd Magnufz, Hertogen tho Mekelenborch etc., vrogenant, samptliken vnd befundern vohr vnz, vnfen Broder Hertogen Baltasar, vnfe Eruen vnd alle vnfe nhakamen vnser vorgeschreuen Stede vnd alle ehren nahkamen In guden truwen

Stede vnde vhaft woll tho holden, sunder alle argelift vnd geverde. Tho vhrkunde vnd mher sekerheit hebben wy Albrecht vnd Magnusz, Hertogen tho Mekelnborch etc., vorgeant, vohr vns, vnfen Broder Hertogen Baltasar, vnse Eruen vnd nhakamen vnse Ingefelgel samptlick mit witschop hangen lathen ahn dessen vnfen Breff. Hirahn vnd auer findt gewesen de gestrengen Erbaren vnd duchtigen vnse Redere vnd leuen getruwen her Joachim Wagenschütte, Comptor tho Myrow, lütke hane, Ridder, Luder Lutouw, vnse Marschalck, Lutke Moltzane, Otto Hane, hinrick Hane, Driwest Flotouw, Curdt Sperlink de Junger, Her Thomas Rode, vnse Cantzeller, vnd mher vnser Reder vnd guder mannen louen woll werdich. Datum wilsnack, Na der Borth Christi vnfes Heren Verteynhundert, darna in deme Negen vnd Souentigsten Jahre, Ahm Donnerdage nha Jacobi, des hilligen Apostels.

*Roßcker wöchentl. Nachrichten 1757, Stück 28.*

189. Kurfürst Albrecht bewilligt dem Könige von Polen Aufschub für zu Weihnachten fällige 6000 Ungar. Gulden Heirathsgelder, am 20. Dezember 1479.

Sicut nos requisivitis, quatinus Serenissimo domino et Socero nostro Regi polonie per solutionem illorum sex milium florenorum vngaricalium, in quibus sua Serenitas regia nobis obligata existit, in festum natiuitatis cristi de Anno a natiuitate eiusdem millesimo quadringentesimo octuagesimo primo futuro annum subsequenter dilationem daremus, Respondemus, quod nolumus contrauenire inscriptioni facte; Verum tacendo dissimulare et cum sua Serenitate regia pacienciam habere volumus, Ita tamen quod nobis de certo in festum natiuitatis cristi de anno natiuitatis eiusdem Millesimo quadringentesimo octuagesimo primo eorundem sex milium florenorum vngaricalium vna cum aliis sex milibus florenis vngaricalibus ad eundem terminum nobis obligatio iuxta continentiam litterarum super federe matrimoniali confectarum solutio fiat, Et quod illa dilacio et beniuolentia nostra ceteris terminis se mutuo subsequenter in litteris matrimonii prefixis Ac hisdem litteris et obligationibus in eis contentis nobis nullatenus cedant in damnum vel preiudicium quocunque.

Responsum supra scriptum datum est domino oratori per illustrem dominum marchionem seniore nomine filii sui domini marchionis Frederici, in vigilia sancti Thome apostoli, Anno domini etc. LXXIX.

*Nach der Urschrift des Königl. Geh. Staatsarchives.*